



JABATAN PERKHIDMATAN VETERINAR MALAYSIA

LAPORAN LIPUTAN MEDIA

Khamis, 31 Mac 2022	
1	Fokus tanamam jagung berskala besar elak kebergantungan kepada import
2	Daging untuk Ramadan, Syawal mencukupi
3	'Sufficient livestock supply for Ramadan and Hari Raya'

DISEDIAKAN OLEH:

**SEKSYEN KOMUNIKASI KORPORAT
JABATAN PERKHIDMATAN VETERINAR MALAYSIA**

Fokus tanaman jagung berskala besar elak kebergantungan kepada import

Petaling Jaya: Tanaman jagung berskala besar menjadi antara fokus Kementerian Pertanian dan Industri Makanan (Mafi) untuk mengelakkan kebergantungan import.

Menterinya, Datuk Seri Dr Ronald Khandee berkata, jagung juga adalah komponen penting dalam industri ternakan sebagai bahan makanan.

Katanya, negara mempunyai kapasiti luas untuk mengeluarkan jagung tetapi perhatian terhadapnya terlalu kurang diberikan.

"Ketika ini kebergantungan import bahan itu sangat besar dan pendekatan terhadap tanaman jagung mempunyai kapasiti untuk

dilaksanakan secara domestik.

"Sebab itu kita perlu ada olahan dasar dan apabila bercakap mengenainya, insentif dan juga galakan perlu dibuat kerajaan bagi membangunkan penanaman jagung secara besar-besaran.

"Kita tak boleh biarkan konflik yang berlaku di luar negara mengganggu (bekalan). Selain itu pandemik Covid-19 mengajar kita untuk bersiap diri mencukupkan bekalan (makanan) dalam negara," katanya.

Beliau berkata demikian dalam sidang media selepas melancarkan majlis Jubli Emas 50 Tahun Pertubuhan Peladang Kebangsaan (Na-

fas) di ibu pejabat pertubuhan itu di sini, semalam.

Hadir sama, Timbalan Menteri Mafi I, Datuk Seri Ahmad Hamzah, Timbalan Menteri Mafi II, Datuk Dr Nik Muhammad Zawawi Salleh dan Pengerusi Jemaah Pengarah Nafas, Datuk Zamri Yaakob.

Ronald berkata, kerajaan kini memberi lebih perhatian supaya pihak swasta terbabit sama dalam merencanakan penanaman konsep baharu atau pendekatan baharu dalam mengeluarkan jagung tempatan.

"Kita mengadakan perbincangan dengan beberapa pihak swasta yang mahu terbabit dalam industri ini. Ketika ini sambutan terhadap

nya amat positif," katanya.

Terdahulu dalam ucapan, Ronald memberitahu bahawa jualan tanaman bagi satu tan jagung adalah sebanyak RM1,900.

Selain itu, katanya, beberapa langkah intervensi jangka pendek diambil bagi memastikan bekalan ayam mencukupi seperti subsidi diberikan kerajaan kepada penternak dan pengeluaran telur untuk memastikan bekalan stabil.

Menurutnya, kerajaan mengambil serius dan memerhati secara dekat bukan sahaja kepada bekalan daging, ayam dan telur tetapi semua bahan makanan untuk kegunaan rakyat Malaysia.

Daging untuk Ramadan, Syawal mencukupi

Bekalan tidak terjejas kerana import stabil, tiada gangguan

Oleh K Mohana Priya
bhnews@bh.com.my

Kuala Lumpur: Bekalan daging untuk keperluan sepanjang Ramadan dan Syawal pada tahun ini dijamin mencukupi.

Menteri Pertanian dan Industri Makanan (MAFI), Datuk Seri

Dr Ronald Khandee, berkata bekalan daging tidak terjejas walaupun negara masih bergantung kepada daging import iaitu 70 peratus kerana pengeluaran daging tempatan atau tahap sara diri (SSL) industri itu hanya sekitar 21 peratus.

"Kerajaan banyak mengimport (daging) antaranya dari India, Pakistan, Australia dan setakat ini pengimportannya adalah stabil dan tiada gangguan.

"MAFI akan sentiasa memantau untuk memastikan bekalan ini mencukupi bukan saja ketika perayaan, malah juga bekalan harian," katanya selepas Majlis Pelancaran Jubli Emas Pertubuhan



Ronald Khandee (dua dari kanan) menyampaikan Anugerah Perdana Agro kepada wakil Rompin Integrated Pineapple Industries Sdn Bhd, Datuk Shahruil Nizam Abd Aziz (tengah) pada Majlis Pelancaran Jubli Emas NAFAS di Kuala Lumpur, semalam. (Foto BERNAMA)

han Peladang Kebangsaan (NAFAS) di sini, semalam.

Beliau berkata, kerajaan juga mengambil langkah intervensi jangka pendek melalui pemberian subsidi kepada penternak bagi meningkatkan pengeluaran telur dan ayam di negara ini.

Sementara itu, ditanya mengenai perkembangan bagi penyelesaian tempoh Lesen Pendudukan Sementara (TOL) yang dihadapi usahawan tani, beliau berkata, Kementerian itu sedang mengadakan perbincangan dengan kerajaan negeri bagi me-

nanagi masalah tempoh lesen terbabit.

"Ada isu dan cadangan dikesampingkan mengenai pajakan tanah di beberapa negeri yang menyatakan tempoh pajakan itu terlalu singkat (iaitu) tiga tahun untuk membangunkan industri agromakanan secara besar-besaran.

"Dalam mesyuarat Majlis Tindakan Ekonomi (EAC) yang lalu, MAFI diminta untuk mengadakan perbincangan dengan kerajaan negeri dan kita sedang melakukannya," katanya.

Ronald Khandee berkata, Kementerian dan pengurusan tertinggi kerajaan turut meneliti cadangan pengikat industri untuk menilai dan memanjangkan tempoh lesen sedia ada bagi meningkatkan pembangunan industri agromakanan.

Pada 24 Mac lalu, Perdana Menteri, Datuk Seri Ismail Sabri Yaakob dilaporkan berkata, hasil mesyuarat EAC, kerajaan bersetuju MAFI berbincang dengan kerajaan negeri bagi menangani masalah tempoh TOL yang dihadapi usahawan tani.

NATIONAL FOOD SECURITY

'Sufficient livestock supply
for Ramadan and Hari Raya'

PETALING JAYA: The supply of livestock is sufficient to meet the demands for the fasting month and Hari Raya Aidilfitri.

Agriculture and Food Industries Minister Datuk Seri Dr Ronald Kiandee, however, said the self-sufficiency level for livestock was still low.

He said the country was dependent on imports of more than 70 per cent of beef supply to meet domestic needs.

"There has been no supply disruption for imported meat from India, Pakistan and Australia.

"The ministry will continue to monitor the situation to ensure adequate meat supply not only during the festive season, but also for the country's daily supply."

Kiandee said this after the launch of National Farmers' Organisation's 50th Golden Jubilee celebration at its headquarters here yesterday.

He said several short-term measures had been taken by the government to ensure adequate and stable chicken supply, including providing subsidies to breeders and egg producers.

"The government takes the issue of national food security se-

riously and will continue to ensure that the food supply is adequate."

On the persistent hot weather forecast as reported by the Malaysian Meteorological Department (MetMalaysia) until June, Kiandee said his ministry was monitoring the situation as it could affect crops in the country.

He said the ministry would take necessary measures to mitigate harsh weather impacts on food production.

"Floods, droughts, unpredictable rains and persistent hot weather are some of the elements that affect the agro-food sector.

"Late last year, we faced floods that destroyed the agriculture sector, including rice, other crops and livestock.

"We have taken mitigation measures to minimise the impact such as providing assistance and financial aid to entrepreneurs to enable them to restart their enterprises."

On Tuesday, MetMalaysia reported that the maximum temperature was slightly higher in the Klang Valley and the interior of Pahang.



*Datuk Seri Dr
Ronald Kiandee*